

Newspaper	BERITA HARIAN
Date	20 APRIL 2017

# PM saksi MoU Pertandingan Seni Negaraku

BH-20/4/2017



## NEGARAKU

**Putrajaya:** Datuk Seri Najib Razak semalam menyaksikan majlis menandatangani Memorandum Persefahaman (MoU) program 'Pertandingan Seni Negaraku' antara Kementerian Pelancongan dan Kebudayaan serta Kementerian Pendidikan.

Ia adalah antara program di bawah inisiatif 'Negaraku' yang dilancarkan Perdana Menteri pada 18 Mac lalu, bertunjangkan semangat cintakan Malaysia sempena sambutan Hari Kebangsaan nanti, dengan 'Ekspresi Negaraku' seba-

gai platform pertama memacu inisiatif terbabit.

MoU itu ditandatangani Ketua Setiausaha (KSU) Kementerian Pendidikan, Datuk Seri Alias Ahmad; KSU Kementerian Pelancongan dan Kebudayaan, Datuk Ab Ghaffar A Tambi; Ketua Pengarah Pelajaran, Tan Sri Dr Khair Mohd Yusof dan Ketua Pengarah Lembaga Pembangunan Seni Visual Negara, Prof Datuk Dr Mohamed Najib Ahmad Dawa.

### 5 juta pelajar terbabit

Majlis di Bangunan Perdana Putra itu disaksikan Najib bersama Menteri Pendidikan, Datuk Seri Mahdzir Khalid; Menteri Komunikasi dan Multimedia, Datuk Seri Dr Salleh Said Keruak serta Ketua Setiausaha Negara, Tan Sri Dr Ali Hamsa.

Pertandingan Seni Kebangsaan itu membabitkan lebih lima juta pelajar dari 10,176 sekolah di seluruh negara dan karya pelajar terpilih akan dipamerkan di Balai Seni Negara.

Info

### Inisiatif Negaraku

→ **Dilancarkan** Perdana Menteri sempena sambutan Hari Kebangsaan 2017, bertujuan menyemarakkan semangat cintakan negara dalam diri rakyat, ketepi perbezaan serta bersatu hati jayakan cita-cita membentuk Malaysia lebih makmur lagi berjaya

[FOTO MOHD FADLI HAMZAH/BH]



**Najib menyaksikan MoU** di antara Kementerian Pendidikan diwakili Khair (duduk dua dari kanan) dan Lembaga Pembangunan Seni Visual Negara diwakili Mohamed Najib (duduk dua dari kiri) sempena program 'Pertandingan Seni Negaraku' di Bangunan Perdana Putra, Putrajaya, semalam. Yang turut hadir, (dari kiri) Salleh, Mahdzir dan Ali.